



# PRESIDÊNCIA DO CONSELHO DE MINISTROS

VIII GOVERNO CONSTITUCIONAL



Gabinete  
Porta-Voz

## Komunikadu Imprensa

### Sorumutuk Konsellu Ministrus nian iha loron 3 fulan-jullu tinan 2019

Konsellu Ministrus hala'ó sorumutuk iha Palásiu Governu iha Dili, no asiste apresentasaun husi Banku Mundiál kona-ba estrutura husi parseria ho Timor-Leste no kona-ba proposta estratéjia dezvoltimentu turizmu nian iha Timor-Leste, iha parseria ida entre Governu no Banku Mundiál. Estratéjia dezvoltimentu turizmu nian ne'e bazeia ba pasu prinsipál haat: análise kona-ba merkadu, estimativa kona-ba benefísiu ekonómiku sira husi gastu sira ba turizmu, estimativa kona-ba kustu sira husi investimentu públiku no komparasaun entre kustu no benefísiu sira no káلكulu kona-ba taxa retornu nian.

Atu alkansa meta sira husi turizmu nasionál, liuhusi implementasaun integrada ida, sei identifika área prioritária no estratéjika sira turizmu nian liuhusi prosesu partisipativu sira, ne'ebé inklui estratéjia sira kona-ba jestaun no prezervasaun ba rekursu naturál no kulturál sira. Iha mós hanoin atu hasa'e profesionalizmu rekursus umanus nian, insentiva empriendedorizmu turístiku, desenvolve kompeténsia sira no promove kreximentu empreza kí'ik no média sira nian iha comunidade alvu sira no dezvoltimentu infraestrutura ba destinu no produktu turístiku estratéjiku sira, hodi garante asesu ba fatin sira-ne'e tuir preokupasaun téknika sira, maibé mós preokupasaun sira kona-ba impaktu ambientál no sosiál sira.

Proposta dezvoltimentu turizmu nian ne'e sei kontinua hetan análise husi Komisaun Interministeriál ba Dezvoltimentu Turizmu, ne'ebé sai nu'udar responsavel ba promosaun hodi elabora Planu Diretór Turizmu nian, liuhusi análise kona-ba iniciativa lejizlativa hirak ne'ebé presiza no liuhusi promosaun artikulasaun interdepartamentál iha implementasaun no ezekusaun Planu Diretór Turizmu nian.

Vise-Ministru ba Dezvoltimentu Estratéjiku Saúde nian, Bonifácio Maukoli dos Reis, halo apresentasaun ida kona-ba konstrusaun bloku pediatria nian no kuidadu intensivu iha Ospital Nasionál Guido Valadares (HNGV). Bloku ospital foun nian ne'e sei iha andár lima no área ida ho luan



Palácio do Governo  
Avenida Marginal, Díli  
Timor-Leste



# PRESIDÊNCIA DO CONSELHO DE MINISTROS

VIII GOVERNO CONSTITUCIONAL



Gabinete  
Porta-Voz

besik metru kuadradu rihun haat. Bloku foun ne'e sei fornese instalasaun ne'ebé adekuaudu ba nesesidade sira husi númeru pasiente nian ne'ebé aumenta ba beibeik iha HNGV, hodi hadi'a qualidade husi prestasaun servisu saúde nian iha país ne'e.

Konsellu Ministrus mós asiste apresentasaun husi Ministra Solidariedade Sosiál no Inkluzaan, Armanda Berta dos Santos, kona-ba asinatura Konvensaan Multilaterál Seguransa Sosiál Komunitade Nasaun sira Lian Portugés nian (CPLP, sigla iha lian portugés), ne'ebé hetan ona akordu iha sorumutuk Ministru Traballu no Asuntus Sosiais CPLP nian, iha Dili, iha loraon 24 fulan-jullu tinan 2015

Timor-Leste la asina Konvensaan ne'e, iha data ne'e, tanba iha tempu ne'ebá nasaun ne'e seidak estabesele ninia sistema seguransa sosiál rasik. Konvensaan ne'e nu'udar Akordu Internasionál ida ne'ebé ninia objetivu mak atu proteje traballadór sira hosi nasaun signatáriu sira ida-idak ne'ebé serbisu iha rai-li'ur, hodi permite katak durasaun tempu serbisu nian tenke sura mós, la haree ba nasaun iha ne'ebé traballadór ne'e ezerse ninia funsaun sira durante ninia vida ativa, hodi evita lakon tempu iha karreira kontributiva no mós benefisia kontajen ba prazu sira kona-ba garantia atu hetan asesu ba prestasaun sosiál sira ne'ebé Konvensaan ne'e abranje (protesaun iha invalidéz, otas ferik-katuas no mate). Konvensaan ne'e asina foin daudaun ne'e iha Portugal hosi Ministru Negósius Estranjeirus no Kooperasaun, Dionísio Babo Soares.

Ministru Transportes no Komunikasoin, José Agostinho da Silva, apresenta proposta Dekretu-Lei, ne'ebé Konsellu Ministrus aprova ona, kona-ba Rejime Jurídiku Sertifikasaun Aeródromu sira. Rejime Jurídiku ida-ne'e aliña ho kuadru normativu internasionál no fiksa kondisaun sira konstrusaun nian, sertifikasaun no esplorasaaun aeródromu sivíl nasional sira no estabesele rekizitu operasionál, no administrativu sira, seguransa no fasilitasaun nian ne'ebé atu aplika iha infraestruturá hirak ne'e.

Konsellu Ministrus aprova mós proposta Dekretu-Lei, ne'ebé Ministru Transportes no Komunikasoin apresenta, kona-ba Prevensaan no Investigasaun Asidente no Insidente sira ho Aeronave sira, ne'ebé sei estabesele prinsípiu hirak ne'ebé regula investigasaun kona-ba asidente no insidente ho aeronave sira ne'ebé rejista ona iha Timor-Leste ka akontese iha territóriu nasional ka iha espasu



Palácio do Governo  
Avenida Marginal, Díli  
Timor-Leste



# PRESIDÊNCIA DO CONSELHO DE MINISTROS

VIII GOVERNO CONSTITUCIONAL



Gabinete  
Porta-Voz

aéreu ne'ebé halo parte ba jurizdisaun Timor-Leste nian no harii Gabinete Prevensaun no Investigasaun ba Asidente no Insidente ho Aeronave sira.

Ikusliu, Ministru ba Asuntus Kombatentes Libertasaun Nasionál nian iha ezersísio, Gil da Costa Monteiro "Oan Soru" apresenta proposta Dekretu-Lei, ne'ebé aprova ona hosi Konsellu Ministrus, kona-ba alterasaun dahuluk ba Dekretu-Lei n.8/2009, loron 15 fulan-janeiru, kona-ba Rejime Atribuisaun Bolsa Estudu ba Kombatente no Martir Libertasaun Nasionál sira-nia oan sira. Alterasaun ida-ne'e buka atu garante igualdade asesu nian iha konsesaun bolsa estudu entre Kombatentes Libertasaun Nasionál sira-nia oan sira. **REMATA**



Palácio do Governo  
Avenida Marginal, Díli  
Timor-Leste